



Arubaanse Courant

n. 25.

DIAHUEBS 14 MEI 1964

No. 5032.

GOBIERNO A PROCLAMA 30 DIA "COOLING-OFF" PA E CONFLICTO ENTRE I.O.W.U.A. Y LAGO

LO BIN UN INTERMEDIADOR DI GOBIERNO CENTRAL DI HULANDA ?

SAN NICOLAS, 14 di mei - Ayera gobierno di Antillas a firma decision gubernamental en cual un periodo di "cooling-off" di treinta dia en conecion cu e conflicto di trabao cu n entre Independent Oil Workers Union of Aruba y Lago ta worde stipula, esaki a drenta den vigor, entrante ayera. Esaki a sosode a consecuencia di e hecho, cu dialuna ultimo e sindicato a anuncia un conflicto cu Lago, cu lo cuminsa awe mainta pa sheteór. Diamars intermediador di gobierno central mr. Frank Hartong, e presidente di I.O.W.U.A. Frans Lodewijk Maduro y e president di Lago W.A Murray a cambia di idea tocante e dificultadnan cu minister Ciro Kroon na Curacao. Parce cu no ta imposibel cu e gobierno trata di haya pa mediacion den e conflicto un intermediador di Hulanda.

Diamars mr. Frank Hartog, a haya na Corsow for di I.O.W.U.A. un carta oficial, den cual ta worde poni na altura e conflicto cu Lago tocante convenio di trabao colectivo empleadonan di Lago, minister Kroon e dia ey a ricibi sr. Frans Lodewijk Maduro y su comiembro di directi- Pellegrin y a muestra nan, e ocasion ey, arriba, cu, si kier pasa e caminda oficial mester pone e intermediador di gobierno central prome altura di e dificultadnan. Murray, kende riba e mes-

un dia tabata na Curacao sin embargo, en conecion cu apertura di Staten di Antillas Neerlandes, na unda el a asisti, a haci uso di su estadia na Curacao, pa tambe tene un entrevista cu e ministro di asuntunan social y economico, na kende el a splica e punto di bista di Lago den e kestion. A base di loke ministro Kroon, a haya tende diamars di e diferenté partidanan envolvi den e caso di ministronan a dicidi ayera mainta pa ordena mesora un periodo di "cooling-off" pa drenta den vigor.

No ta imposibel cu un mediador di Hulanda lo bin trata e asunto aki pa gobierno central. Re-

lacion cu esaki ta worde recorda cu esaki a pasa tambe na aña 1961, ora cu gobierno central a invita mr. J.A. Berger for di Hulanda pa intermedante conflicto cu a cuminsa entre Lago y e Petroleum Workers Federation of Aruba di e tempo ey. Mr. Berger a jega dia 20 di februario di e aña ey y a ocupa su mes simannan largo intensivamente cu e problema. Si esaki atrobe, e ora ey intermediador fijo di cu e problema. Si esaki sosedo atrobe, e ora ey intermediador fijo di gobierno central na Aruba, mr. Frank Hartong, lo retira temporalmente, manera a pasa e tempo ey. Esaki, locual a worde declara

inacceptabel pa Lago. Nan a si- gura nos fuertemente, cu e actitud negativo no ta nifica, cu

Lago lo deshaci di e hospital dentro di poco tempo of cu e tin intencion pa cambia e facilidadnan of reglanan.

STRIKEMENTO

ENTRETANTO A BIRA COMPRENDIBEL, CU SI E GOBIERNO NO A PROCLAMA E PERIODO DI "COOLING-OFF" DI 30 DIA, LO TABATA TIN UN STRIKEMENTO AWE ENTRE E EMPLEADONAN DI LAGO. SEGUN OBSERVADORNAN E PREPARACIONAN PA ESAKI YA A JEGA DEN UN ESTADO HOPI LEEUW, DURANTE E PERIODO DI "COOLING-OFF" LAGO NO POR DUNA NINGUN EMPLEADO LAY-OFF, MIEN- TRAS CU DI OTRO BANDA E EMPLEADONAN NO TA PERMITI PA LAGA E TRABAO PARA. ESAKI A WORDE DETERMINA LEGAL.



FRESCURA DI MENTOL


LABOR RICO DI TABACO

FILTER MODERNO

Paisnan Sur-Americano tin debernan grandi

CIUDAD DE MEJICO, 14 mei. - E debe di un cantidad di paisnan Latino Americano cerca Nacionnan Uni y e organizacion di estadonan Mericano ta biraando mas grandi. Tres cuartu di tur e paisnan Latino Americano door di esaki ta corre riesgo di perde nan derecho di voto pe siguiente asamblea general di Nacionnan Uni.

Solamente Brasil, Colombia, Ecuador, El Salvador y Venezuela a paga nan contribucion ne organisacion mundial aki na tempu. Cu contribucionnan ne organisacion di Estadonan Mericano esaki ta mas peor. Solamente Venezuela y Republica Dominicana a paga nan contribucion. Segun e corant vision cu ta sali na Mejico, e debernan di miembronan Latino Americano ne organisacion aki



Pa tur bo aseguronan
Tel. 1845.

HOSPITAAL

Tocante un di e diescuatro - puntonan cu a haya mal fama, riba cual e dos partidonan a trompeca na e mesa di negociacion, esta tocante e hospital di Lago pa duna e garantia den e contract nobo, cu e facilidadnan actual lo keda, nos a worde informa ademas di banda di Lago, cu esaki en total no ta nada nobo. Ya caba antes, den negociacionnan cu Lago representantenan di empleadonan a existi

ta mas di 5 million dollar. Door di esaki organisacion di Estadonan Mericano a hanjanan obligacion pa serra un fianza di 250.000 dollar.



Aki nos ta mira e cantante Neri di e cuartetito cu for di dialuna dje siman aki ta actua den Balli Bar di Aruba Caribbean Hotel-Casino. Neri ta canta y ademas ta toca drums, e otro musiconan ta un pianista, basista y violista.

"We turned our photography hobbies into profitable full-time careers...thanks to NYI PROFESSIONAL TRAINING"

"So can YOU!" ...says Anselmo Kock of Aruba, Netherlands Antilles

"Thanks to my NYI training, I'm now earning more in a month than I used to make in a year! The studio I work for has promoted me to a position of great responsibility and is very satisfied with my work. Because NYI has done so much for me, my employer is sending two others to NYI. I make good money at home in my own studio, too, doing enlargements, portraits and other assignments. Now my hobby is my job, doing the kind of work I like best. I have a lifetime of security ahead of me."



Photo by NYI Graduate Anselmo Kock

Tabata un sorpresa di mira cara di e fotografo Arubano Anselmo Kock den edicion di juni di "Popular Photography", den un propaganda di e instituto aki. Señor Kock kende ta un fotografo tecnico di Public Relations Department di Lago aña pasa cu ayudo financiero di Lago a sigui un curso di algun luna na e instituto menciona na New York. Buscando informacion na departamento di Public Relations a sali actualmente tin un otro Arubano, C.B. Eddy Gomez, kende ta siguiendo e mesun curso na New York. Señor Gomez ta asistent di cuarto obscuro den mesun departamento di Public Relations di Lago. Ademas ta intencion di compania pa pronto manda señor Jose de Cuba, asistent-fotografo di e mesun instituto menciona. E declaracion di señor Kock cu dos mas lo atende na e curso di New York Institute of Photography sigur no tabata propaganda falso. E intencion di Lago pa tanto posibel trata na duna trabaoonan importante na Arubanonan, loke ta referi na e departamento di public relations, cu esaki claramente ta worde comproba. Y segun propaganda, di cual nos ta reproduci un parti den nos edicion aki, claramente por weita cu sr. Kock ta sumamente satisfecho cu e chens.

CONGRESO NA MEXICO

CIUDAD DI MEXICO, 14 Mei. - Na un congreso dje psicologo y neurologos na Mexico y Mericano, cu ta worde tene den ciudad Mexico, nan a duna un aviso serio contra mal uso di alcohol.

STAMPIA SPECIAL BRASILEIRO

RIO DE JANEIRO, 14 Mei. - Corea Brasileiro a saca stampia pa recorda e prome bishita di estado di un hefe Aleman di estado na Brasil. E stampia tin portret di president Luebbe.

ALCOHOLISMO NA ALEMANIA

Na Alemania Occidental mas di 420,000 persona ta esclavisa na alcohol, segun un rapport dje organisacion di Alemania Occidental contra mal uso di alcohol. Door dje enfermedad aki un millon otro persona a hanjane den asina estado cu nan meste hanja sostencion di gobierno. Aña pasa 40,000 a hanja herida na degradingan di trafico causa pa chafeur bow influencia di alcoholica.

Lucha na Sur Vietnam

Saigon, 17 April. - Na un bringamentu cerca dje pueblo Chanh Binh cerca dje frontera cu Camboja cu revolucionarionan comunista Survietnames a ocupa, a muri ayera mas o menos 60 revolucionario. E trupan di gobierno a perde 10 homber mientras cu 40 ta herida. Tambe a muri na tur y den central Vietnam cinco militar, ora cu nan jeep a pasa riba un mina.

INGENIERONAN A REUNI

ORANJESTAD, 14 Mei. - Diasabra pasa e grupo di "Nederlandse Antillen van het Koninklijke Instituut van Ingenieurs" Pa ser mas cortico "IVI" a tene nan reunion anual. E grupo cu ta worde forma door di diesseis miembro, a invita e grupo di Corsow diasabra mainta y a

organisa un excursion pa nanden Lago, e fabrican nobo na Bala-shi y na Barcadera. Despues di un comento na Basil Rutiana tene nan reunion. En conexion cu su salida pa Hulanda e president Mr. Ir. P.P. v/der Vijver a retira. Dos miembronan nobo di directiva a worde eligi. E directiva di Kivi a worde awor ta consisti di e president Ir. B. Ehren-cron, secretario Ir. F.D. Looman y tesoroer IR G.A. Pieper. Ta solamente ingenieronan tecnico por bira miembro di "IVI".

CHROESTJEF Y NASSER

Nasser, Chroestjef y Sallal tabata corre den auto cap baha door di cayanan dorna di Assoean pe haf local di Milo, caminda nan a subi abordo dje yate moderno "Ramses". Chroestjef Nasser y Sallal, a benta, despues cu Ramses a nebeja un distancia den e riu Nilo cada uno un piedra den e awa, pa indica simbolicamente cuminzamento dje prome fase di e dam Assoean.

STATUTONAN PUBLICA

ORANJESTAD, 14 Mei. - Den "Curacao Courant" di 29 di april a worde publica statuton di fundacion di "THE AMERICAN STORE N.V." na Aruba, doord di senjorita Hendrika G. Marin y senjor Willefrido J. Kelly. E negoshi lo ser estableci na Aruba y dia di fundacion 12 di november 1963 tabatin un capital social di fls. 25,000,- di cual na momento dje fundacion un quinta parti tabata deposita.

Como prome director dje negoshi a ser nombra senjor Samuel Rajnhero.

Tambe a worde publica e statuton di e "organizacion cristiano di trahadornan Arubano", pa ser mas cortico "OCTA", un sindicato pa personal di oficina y personal di tienda. E sindicato aki a worde fundá dia 6 di agosto aña pasa y pa bira miembro candidatonan mester tin minimo diesseis aña. E prome directiva ta worde forma door di president A.B. (Tico) Kuiperi, vice-president Edgar E. Maduro (representante di CLASC na Aruba), secretario Eduardo N. Cu-ret, 2do secretario Luis A.

Odor, tesoroer Dominico D. Salazar y comisarionan Anibal Rasmijn, Jacinto A. Croes, Jose A. Eduardo y Jose M. Yarzagaray.

JUBILEONAN NA LAGO

SEROE COLORADO, 14 mei. - Tres empleado di Lago ayera celebra nan hubileo di binti aña den servicio na compania. Nan ta senjores Jacobo Ras, Cyril Violenus y Alwien Jap-SAM. Senjor Jacobo (34 aña) di Respondi B na departamento di Marina. Actualmente e pipefitter "A". Senjor Violenus (42) a cuminsa como peon D y actualmente ta lasser A. Di tres hubillario (42) a cuminsa apprentice typist A y awor ta klerk. Ningun di tres personanan aki a jega di hanja accidente serio na trabao.

Ayera mainta pa diez or diezun empleado di Lago durante un ceremonia especial a ricibi un certificado na ocasion di nan trinta aniversario den trabao. E hubillarionan aki cu excepcion di senjor Legenhansen, cu a cumpli 30 aña den servicio na luna di mei ta: Fred Legenhansen, Lionel A. Teonard, Maximo Geerman, Marcelo Maduro, Jan H. Rasmijn, Mathew W. Farrell, Florencio T. Ponson, Cipriano Croes, Justiniano van der BIE ZEM, Dominco L. Dijkhoff y Ciriaco Maduro. Senjor Legenhansen (57 aña) a cuminsa como "tradesman 1 Steklas"; y actualmente ta "Zone Planner". Senjor Leonard (54) a cuminsa traha cerca Esso Transportacion Company y actualmente ta "Janitor Corporal". Senjor M. Geerman (49) a cuminsa como gewoon peon y actualmente ta "equipment operator 1". Senjor M. Maduro (45) a cuminsa como junior laborer. Y actualmente junior laborer. Y actualmente ta senjor Safety Inspector senjor Jan Rasmijn (49) a cuminsa como labador di tajo 2de klas y actualmente ta operator. Senjor Farrel (51) a cuminsa cerca Standard Oil na Bayonne y dia 3 di juni 1939 a worde traslada como ayudante operator. Actualmente e ta ass. zone supervisor. Senjor Ponson (50) aña a cuminsa peon 2e klase. Awor e ta

kraanbestuurder 1. Tocante senjor van der Biezen (53) kende tambe a cuminsa como peon 2e klas, actualmente ta "garage helper A". Senjor Dijkhoff (57) a cuminsa como peon 2de klas y a promove te na ass; Operator senjor C. Maduro (52) kende tambe a cuminsa como peon na december 1962, awe ta lasser A.

DI E CAMPEONATO DI BASKETBALL

(Di Nos Redactor Deportivo)

Ariba cancha di Aruba Jrs diaduna anochi e quinteto masculino clase B di Plymouth a obtene triunfo di 32 pa 9 ariba e equipo di Y.M.C.A. Cu un total di 12 punto riba su nomber Eddy Everon a resulta mihor anotador di Plymouth, mientras cu pa Y.M.C.A. a resulta como topscorer R. Bromet cu 4 punto.

E partido masculino clase A entre Don Bosco y Caribe a worde gana door di Don Bosco pa default. E quinteto caribenjo no a presenta.

Ariba cancha di Estrella a worde hunga dos wega. E promer di juniors entre Aruba Jrs y Estrella Jrs a worde gana door di Aruba Jrs cu score di 25 pa 12. Topscorer di Aruba Jrs tabata R. Zaandam cu 12 punto y pa Estrella J. Croes tabata e mihor cu 10 punto.

Di clase B masculino a enfrenta otro Victoria y Mariners. Cu score di 40 pa 16 e quinteto di Victoria a triunfa. Mihor anotador di e ganadornan tabata R. Amaya cu 14 punto, mientras cu e mihor mariniar tabata G. Verhale cu 10 punto. Awe nochi e campeonato ta continua ariba cancha di Aruba Jrs.

CUMPLEANJOS

Dia 12 di Mei a celebra su feliz cumpleaños Señora Theresitha Thodé, felicitacion ta bini di su estimado esposo Hilario Thodé, yiu Maikel, mama, padrasa, rumannan, wela, madrinanan, tanta y omonan, prima y primonan, swanan, cunjanan, sobrinu y sobrinanan, suegra Adelita Thodé, suegro Augustin Thodé, especialmente di su ihanan, Nelson, Jongh,

E Cas Di Bo Sonjo
na prijsnan practico



cu materialnan di construccion di calidad y na prijs atractiva, esey ta solamente na

PETRONA & CROES

FOR SALE

1963 Chevrolet Convertible Standard - Transmission, all - American car. Cash only!

For inf: Call 9-2643.

Lupita Giel, Regina Tromp, Theo Tromp, y demas famia Thode, Giel, v/der Biezen, Farro.

DELIBERACIONAN Ariba A.L.M. SATISFACTORIO

WILLEMSTAD, 14 Mei. - Deliberacionnan direccion di ministro di verkeer y vervoer, senjor J.R.L. Beaulieu y un delegacion di Hulanda bao direccion di staatssecretaris di verkeer en Waterstraat, senjor M.J. Keyzer. Tambe directiva di KLM tabata representa door di senjor Ir. Be-sancon. E deliberacionnan tabata asina e traficoaereo y etarifanan di Hulanda pa Antillas, tambe tocante fundacion di un compania aerea Antillano.

E deliberacionnan tabata masha franco y comprendiendo di ambos banda. Ya nan a construi basta hopi pa alcana resultado nan satisfactorio tocante dife-punto cu ta pendiente ainda mester worde studia ainda. Ta existi gran speranza cu e deliberacionnan tocante e puntanan pendiente, cual lo worde continu na Hulanda na juli venidero, cu pa tur partido lo jega na un solucion acceptable.

Judanza pa Sur Vietnam

TAIPEH, 14 Mei. - Gobierno di China Nacionalista a dici di pa duna tur yudanza posibel na Sur Vietnam. E minister di exterior di China Nacionalista, Shen Sjeng Hoen, a participa cu e yudanza lo worde ortoga a peticion di e prome minister di Sur Vietnam, Ngoejen Khanh y di e minister Mericano di exterior, Rusk.

Bombardeo Ingles a cai na Andover

ANDOVER, 14 mei. - Banda di Andover, den sur di Inglaterra, un bombardero Ingles di e tipo "Vulcan" cu reaccion a chorra a cai y a pega candela. Di e seis ocupantenan cuater a muri. E dos otronan cu a bandona e avion, ta gravemente herida.

BELGRADO, 14 Mei. - Ta resulta cu den ultimo diescuater dianan hopi presunan politico na Rumania a worde liberta en secreto. Den circulonnan generalmente bo informa na Belgrado a worde bis cu e presunan a worde liberta ora cu Rumania a expresa su independencia mas grandi fo di Moscu.

Awor bo no tin mester di hopi placa mas pa viaja pa BARRANQUILLA, MEDELLIN, BOGOTA of CALI, pasobra ESPERANZA TOURIST OFFICE ta ofrece bo e mas lujoso avionan DC-6 pa bai pasa bo vacacion na Colombia.



Na bordo di e avionnan aki bo por conta cu un servicio excelente mientras ESPERANZA TOURIST OFFICE por reserva bo hotel pa bo tambe na Colombia. Viaja sigur, liher y barata, - viaja cu e avionnan di ESPERANZA TOURIST OFFICE.

Pidi tur informacion completamente gratis na nos oficina of yama telefoon 2402 durante ora di trabao y despues te 10'or anochi tel. 1433.

ESPERANZA TOURIST OFFICE 16 ora pa dia na BO servicio



Ultimamente un gran cantidad di avionnan ta cai na tur parti di mundo. E consecucionan un ta mas desastroso cu e otro. Pero esaki no ta portret di un avion cu ta callendo causando bida di hopi persona atrobe, pero un avion di test, cual na Merca a worde pilota radiograficamente despues di a worde paketa cu instrumentonan y pochinan y a worde derumba intensionalmente, pa asina studia e resultadonan di un accidente y kiko por worde haci contra esakinan of con ta e mihor manera pa scapa tanto bida di hende posibel den e casonan aki.

Invitacion Canades pa Hulanda

HAAG, 14 Mei: - Un porta-Canadiense a participa na Haag cu su gobier- a invita Ulanda y cuater otro s di Europa Occidental pa un conferencia pa prepara un reunion mas despues di tur paisnan quier contribui cu trupanenpa

icial especial di U. pa Cyprus

en circulanon di Nacionnan Uni New York a worde informa un ex president di Ecuador, Plaza Lasso, lo worde nom- a oficial politico especial di cionnan Uni na Chipre.

Plaza Lasso na anja 1958 tabata presidente di e observadonan Nacionnan Uni na Libanon. anja 1948 te 1952 e tabata esident di Ecuador.

un potencia internacional pa ma- tencion di paz. E cuater otropais nan ta Finlandia, Suecia, Noruega, y Dinamarca. Ta worde calcula cu e conferencia lo wordetene na juli na Canada. Di parti di Ulanda no por a haya confirmacion di unta invitacion ainda.

**MANLIO BROGIO
SECRETARIO GEN RAL
DI N.A.V.O.**

Manlio Brogio a nase dia 10 di 1897 na Turin. Durante prome guerra mundial, e tabata oficial serca artilleria. Dos anja despues di guerra e la termina su estudio ne facultad Juridico dje universidad di Turin y a dreña inmediatamente den politiek como miembro dje partido liberal. Cincu anja despues riba orden dje autoridadnan fascista e mez-



te a stop cu actividad politico. El a establece su mes como abogado na Turin.

FRANCIA TA ANULA

FRANCIA, 14 mei. - Francia a hala actualmente un strepidoor

ROBIN HOOD FLOUR MILLS LTDA.

ta ofrece na henter pueblo di Aruba

1 set di 3 planchi di aluminio durable, cual por hanja na e siguiente manera:

1 PAKI DI ROBIN HOOD FLOUR BASHI DI 10 LBS

MAS FL. 1,--

2 PAKI DI ROBIN HOOD FLOUR BASHI DI 5 LBS

MAS FL. 1,--

5 PAKI DI ROBIN HOOD FLOUR BASHI DI 2 LBS

MAS FL. 1,--

CAMBIA BO PAKINAN BASHI NA LA COLOMBIA


Schelpstraat 23, Oranjestad, tel. 2357 agente di

ROBIN HOOD.

acuerdo anja pasa agosto durante deliberacionnan largu.

Entre tantu e embahador di - Francia, den capital Tunesino Sauvagnarques, a regresa Paris pa deliberacion.

dje ayudo financiero di un balor di 165 millon florin, consistiendo di garantianan di credito te na un suma di mas o menos 85 millon florin y un fianza riba termino largu di 80 millon florin, cual ambos pais a llega di



Esaki ta e alcalde di Berlin Occidental, Willy Brandt kende ayera a sali cu avion pa merca caminua lo e haci un bishita di un siman. Dialuna e lo delibera cu president Johnson na Washington tocante varios cuestion cu ta trata Alemania y Europa. Senyor Brandt ta dirigiendo su mes na un multitud grandi cerca cual e ta spera di gana mas popularidad pa e proximo eleccionan na Alemania Occidental.

CONFERENCIA DI N.A.V.O.

DEN HAAG, 14 Mei. - E minister Beigo di exterior, Spaak, a bisa na e reunion di awe mainta di e conferencia di NAVO, cu e alianza Atlantico a keda cu su derecho di existi sin esey a mengua cu cada, aunque tabatin cambionan for di dia di su estableci mentu na anja 1949. Si mester trece cambionan den NAVO, esey mester sosede cu bishita ri ba futuro. Tin cinco punto, asina Spaak a bisa, for di cual a resulta cu si tabatin u que otro cambio for di anja 1949, pero cuademas ta muera, cu e basenan di NAVO no a worde afecta. E puntonan ey ta e equilibrio Nuclear

MEDAILIA DI PLATA PRINSES BEATRIX

DEN HAAG, 14 mei. - Su alteza real Princesa Beatrix a pone un medailla di plata disponibel pe exposicion na Madurodam dje di microescultura cu lo wordu inaugura dia 15 di juni proximo den cuadro di Holland festival. E medailla di plata aki lo wordu uni ne premio di kleinplastiek di Madurodam di 750 florin Antillano cu renaut di Ulanda a priminti pe mihor dje exposicion Sueco.

Proposicion Chines Tocante Laos

PEKING, 14 Mei. - E minister di asuntunan exterior di republika popular Chines Tsjen Li, a manda pe dos presidentenan dje conferencia di Ginebra tocante Laos, proposicionnan, cu segun su opinion por conduci pa soluciona e kestion Laos. Tsjen Li ta propone, segun e agencia oficial di prensa Nueva China, di solucion dje grupo cu a comete e recien golpe di estado. Tambe e ta hanja castigo dje revolucio-

entre e potencianan grandi, al cance di fin di colonialismo, reforsa di Europa, e cambionan den e relacionnan cu e Bloque comunista y traslado di e amenasa comunista for di Europa pa Afrika y Asia.

narionan y reanudacion dje deliberacionnan entre e trespartidonan den Llanura de Liantos necesario mescos cu neutralisacion di viettiane y oeng Prabang.

PAPA PABLO TA PIDI CLEMENCIA PA NACION ALUSTANAN DI SUR-AFRICA

NEW YORK, 14 Mei. - Papa Pablo a laga Nacionnan Uni sa cu e ta trata di haya un clemencia pa e condenanan contra e Nacionalistanan Africano na Sur Africa. Manera ta conoci e Nacionalistanan Africano a worde condena na pena di morto. E comision especial di Nacionnan Uni encuan to "Apartheid" apidipapa pa interveni pa e victimanan di apartheid na Sur Africa. Den un carta di Cardinal Cicognani, secretario di estado di Vaticano, na e comision ta worde bisa cupapa den llimitenan di posibilidades y manera ei a haci den pasado tambe lo utiliza su influencia pa salba vida di esnan condena na pena di morto y cu derechonan humano ta worde reseta.

Erupsion di Volcan Etna

CATANIA, 14 mei. - Lava a keda sali fol e vulcan Etna, pero e velocidad a baha y ta parse cu peliger pe ciudad Bronte apasa. E ciudad cu ta conta 21.000 habitante, ta keda ocho cien meter riba nivel di laman y mas o menos mil meter bow dje punto cu e ola di lava a alcanza.

Entre tantu nan ta tene tambe e vulcan Vesuvius cerca di Napoli den bista. E vulcan aki e ultimo 20 anjanan a drumi pero dialuna varios temblor di terra a wordu registra.

DEMOSTRACION NA E CONFERENCIA DI NAVO

DEN HAAG, 14 mei. Mas di seis cien muher fol casi tur pais di NAVO a tene un demostracion contra e plan nuclear di NAVO, dilanti cazerna Juliana na Den Haag, caminda e reunion primavera di NATO ta tuma lugar. Un delegacion di turpaisnan di NAVO, cu excepcion di Turquia a wordu ricibi na porta dje caserna na secretario dje conferencia di NAVO, senyor Goedhart. E damanan tur bisti cu flor grandi di papel a ofrece akinan un peticion.

E muhernan no a llega mas lew cu e porta pasobra akinan tabatin shete marechaussee cu helmu blancu y algun polis, cu ta tene tur persona cu no tin permit di entrada. E ofresemento dje peticion pa paz aki un "peace Pledge" manera un Mericano a llama e peticion a tuma lugar pacificamente.

Entre e participantenan ne demostracion e sobra 600 muhernan a haci entre otro un viahe ketu door di cayanen den cerca nia fol California.

Entre e demostrantenan dje viahe, cual a wordu organisa pa "NATO Women Strike for Peace" un movimiento cu tres anja pasa a wordu lanta na Washington, tabatin actuprima di principe Bernhard, princesa Olga Zur Lippe di 78 anja di edad e esposa di e ganador di premio Nobel pa paz y quimica senjora Eva Helen Pauling.

Francia ta anula ayudo Tunisia

PARIS, 14 mei. - Francia lo termina su apoyo financiero na Francia. Local a wordu dicidi na un reunion di gabinete. E

bosero di gobierno a papia cu acento tocante anulacion y no di schorsing. E medida ta un contra medida, contra e sesicion di Tunisia, pa confisca terreno di propietarioan di stranheria.

Francia lo papia atrobe tocante su ayudo cultural y tecnico na Tunisia. E acuerdo entre Francia cu Tunisia a wordu sera dia dos di maart 1963. Den esaki a wordu stipula, cu Tunisia tin derecho, di exigui terrenonan cu ta den man di estranheronan.

Francia a bisa cu esaki lo tuma lugar poco bista riba interesnan dje propietarioan Frances di terreno.

Huelga na Sabena

BRUSELAS, 14 Mei. - E deliberacion entre direccion di e compania Beigo di aviasion Sabena y e sindicato liberal di personal di aviasio no a llega un acierto. Ma s di mitar dje vuelonan dje compania pa awe a wordu anula. E director general adjunto di Sabena, dieu, a declara di ta spera ayudo di companianan di exterior na Mantenion di servicionan pasombra ta trata akinan di un huelga politico. E sindicato liberal, cu no ta apoya pa otro sindicatonan a pone exigencianan, cu ta trata principalmente dje cantidad di oranan liberpa siman dje personal aerea. Entre tantu tambe e asocion Beigo di pilotonan a declara nan mes solidario que huelgistanan. Door di esaki ta worde spera cu tambe e red intercontinental di Sabena lo worde defrena den curso di dia.

COMUNICADO HUNGARO-ALEMAN

VIENNA, 14 Mei. - Alemania Oriental y Hungria ta partidario di relacionnan diplomatico normal entre paisnan comunista y Alemania Occidental, como un parti dje politiek di Coexistencia pasifico y riba base di igualdad completo di derechonan y probechinan mutuo. Un tal desarrollo lo contri-

CU UN PERCOLATOR ELECTRICO.....



KOFFIE SABROSO DEN UN INSTANTE!




bui notablemente pa rebaho tensionnan na Europa y pa mantension di paz. Segun ta par den un comunicado cu a wordu saca awe na Boedapest despues di un bishita dje lider di Alemania Oriental Ulbricht na Hungria.

CREDITO SIN RENTA DI HULANDA PA SURNAM

DEN HAAG, 14 mei. - Ulanda duna Surnam un credito sin renta den cuadro di intencionan cu Surnam kier ehecuta pa su presupuesto. Pa yuda desemple na Surnam pronto nan lo agreg algun proyectonan directo productivo ne plan di diez anja.

Mientras cu nan lo delibera tocante continuacion dje ayudo Ulandes di desarrollo na Surnam.

Esaki te resultado di deliberacionnan cu minister presidente di Surnam, Pengel, y un delegacion cu ta bow di su diredcion a haci cu gobierno Ulandes y caminda entre otro nan tabata completamente di acuerdo tocante e medida cu gobiernu di Surnam. A indica, pa asina alcanza cu e presupuesto di Surnam pa 1967 lo ta normal atrobe. Door dje medida aki e entradanan lo subi y gastunan lo baha.



Infeliz ta e torero cu lugar di hinka e torero cu su lansanan tin di sinti e cacho di e toro den su curpa. Esaki ta loke a sosode cu e banderillero Juan Gomez Perales ultimamente durante un toreamento na Valencia, Spanja. Gravemente herida Perales a worde retira for di e arena.

Baca a pone Amsterdam ariba abao

AMSTERDAM, 14 mei. - Un baca destina pa consumo a pone un parti di Amsterdam ariba bow door di su huida. Ne matadero e animal di pronto a lanta contra su destina, y indigna el a cuminsa core di pronto, despues a benta su mes den e awa banda di Zeeburgerdijk, llegandone otro banda el a sali y a continua su corida banda di e habitantenan asombra di Amsterdam pa despues interna den un garashi pa baiskel den Von Zesentraat. E donjo dje garashi si no tabata contentu cu e bishita inespera y a bel polis. Entre tantu e animal a calma y tabata para so-

sega mei mei di baiskelnan. Polis a mira cu no tin pasikiko di usa direct nan pistol y a avisa e matadero. 4 Homber di esaki a llega ne garashi, pero esaki a bolbe lanta furia dje animal. Tur hende a hui sali dje garashi, cu excepcion di polis cu a dicidi di haci uso di su pistol pero a resulta cu un solo tiro no tabata basta pasobra despues di esaki e animal a cuminsa causa un destruccion grandi ne baiskelnan den e garashi. Te despues di mas tiro e baca a dicidi di acepta su destino pero pa hopi baiskel esaki tabata laat caba.

MISION SPECIAL PA BRAZIL

RIO DE JANEIRO, 14 mei. - Un mision dje fondo monetario internacional ta na Brasil y ta trata di colecciona datonan statistico den favor di tur sorto di instalacionnan internacional, segun e minister Brasileiro di finanzas Bulhoes a participa.

E embahador Brasileiro na Paris a wordu llama bek pa duna cu gobierno Goulart a haci na Paris tocante pafor di debe Brasileiro di exterior. E deliberacion aki lo wordu reanuda aki un par di siman y despues continua na Washington.

Despues nan lo haci deliberacion bilateral cu varios gobiernu tocante e intencionan di Brasil pa llega pa un solvensia, Bulhoes a bisa cu abolimento di subsidionan riba trigo, papel di corant y zeta lo ponenan den oportunidad pa spaar 20 million cruzeiro pa luna. Huntu cu e entradanan altu, foi belasting riba productonan di petrolero esaki ta conduci pa un rebaho dje deficit di balansa di pago di kasi 300 milliard cruzeiro. Por medio di sorto di ley di emergencia riba belasting den vigor Brasil di entreda y un ley permanente

cu otro anja lo drenta den vigor Brasil ta spera di sigui rebaha e deficit di presupuesto.

Conferencia Cumbre Arabe Suspendi

BEIROET, 14 Mei. - E di dos conferencia di rey y mandatarionan Arabe, cu probablemente segun plan tabata pa tuma luga na Agosto proximo na Alexandria, lo worde suspende, segun e corantnan Libanes a anuncia.

Tanker na Candela

RODAM, 14 Mei. - Un tanker Belgo cu ta nabega riba Binnenwateren, cu tabata carga su gasolin, a pega candela riba Oude Maas na Ulanda banda di Barendrechtse Brug, entre Rotterdam y Dordrecht. E candela a worde causa probablemente den machinekamer. Gasolin a basha riba awa di e riu. Segun a worde informa di havenpolitie na Barendrecht e tripulacion por a bandona e taker na tempu. Trafico di bapor riba e riu completamente paralisa.



Na cobamento pa pone tubonan di awa na e parti zuid di e tunnel Velser na Hulanda nan a descubri un gran oportunidad pa haci investigacion pa restonan di indicacionan cu un 40 a 40 anja despues di Cristo, probablemente e Romanonan tabatin un haaf di expedicion na e lugar menciona. Aki nos ta mira un parti di e trabao cu ta worde haci pa investiga e restonan cu por tin.

AGENDA

ARUBAANSE COURANT
diariamente cu excepcion di
dialomingo
subscription f. 3,25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.

imprimi na:

N.V. DRUKKERIJ
„DE STAD,”

Telefoon 1116 Directiva y redac-
cion, 2116 Anuncio y subscrip-
cion.

Directeur hoofdredacteur:
D. Wolf.

POK CUMpra ARUBAANSE
COURANT NA E SIGUENTE
LUGARNAN:

NA ORANJESTAD:
BOEKHANDEL MARISKA.
PIET SODA FOUNTAIN.
REFRESQUERIA INGRID.

NA SAN NICOLAS
NICOLAAS STORE.
UNION STORE.

BOTICANAN DI WARD

...entdiensten: Oranjestad Boti-
ca Oduer Tel: 1780
San Nicolas Botica San Lucas
Tel. 5119.

TELEARUBA

5.30 Cartoons
6.00 Public Service
6.30 Corliss Archer
6.45 Papiamento Newscast Live
& Filinews
7.30 Sea Hunt
7.45 Papiamento Sportnews
8.15 Tombstone Territory
8.45 The Honeymooners
9.00 English Newscast Live &
Filinews
10.00 Ben Casey
10.30 Border Patrol

RADIO CARACAS TELEVISION

P 45 Senderos de luz.
9.00 T.V. Educativa.
10.30 Cosas de mujeres.
11.15 El hogar y la moda.
11.45 Novela.
12.00 Noticias.
12.05 Show de Renny.
13.15 Se necesita una amiga.
13.35 Cortos.
14.00 Yo se lo vendo.



Tres contra partido politico uni den un bishita serca Lord Mayor di Londen, senjor Alderman C. James Harnam (drechi). Ta trata aki di e tres lidernan di partido Ingles cu ta di robes pa drechi Harold Wilson (Labour), prome ministro Alec Douglas-Home (Conservativo) y Jo Grimond (Liberaal), hunto na un lunch cual a worde ofreci door di Lord Harman, na cual el a participa su plan pa un monumento na honor di Kennedy.

14.30 Documental.
15.00 Estudio de Hector Monte-
verde.
15.30 Perfecta ama de casa.
16.00 Mejias y sus muchachos.

16.55 Busque su marca
17.15 Loteria
17.30 Cero Uno
18.00 Ruta 66
19.00 Rifle
19.30 La Guachafita
20.00 El Observador
20.15 Yolanda Moreno
20.45 Las cosas que yo he visto
21.15 Julian Pacheco
21.45 Dr. Kildare
22.45 Noticias
23.00 Cine Americano

Bringamento Britanico cu rebeldenan Radfan

LONDEN, 14 mei. - E colabo-
rador militar di Times Inde-
pendencia a anuncia cu Inglatera
lo manda reforzanan pa Aden
parcialmente pa finesnan di re-
emplazamento y parcialmente pa

segura exito dje operacionnan
militar cu tin como fin di prote-
ha e bond di estadonan di Sur
Arabia contra atakenan di tri-
bunan revolucionario principal-
mente den e territorio monta-
ñoso di Radfan cu ta hanja apoyo
dje gobierno republicano di Jem-
en.

EMBAHADOR MEXICANO TABANDONA HULANDA

SCHIPHOL, 14 mei. - E em-
bahador di Mexico, Dr. Rafael
Fuentes, a sali cu su esposa
y su yiu muher pa semper pa
Roma. Dr. Fuentes, cu tabata
durante cinco anja embahador
na Ulanda actualmente lo repre-
senta su pais na Roma. Esaki
ta un cambio normal di puesto
segun e prome secretario, sen-
jor Amador, cu a llama e em-
bahador ayo na Schiphol, pero
ta duele cu e ta bandona nos.
Dr. Fuentes tabata masha amigo
di cas real. Ora cu el a llega
Ulanda na 1959, ya el a serra
conosi caba y a contra algun

blaha cu principe Bernhard, du-
rante e bishitanan cu e principe
a haci na 1950 y 1952 na Me-
jico. Principe Bernhard, tabata
tambe un gran apoyo pe, ora
cu Dr. Fuentes a acepta su pues-
to di embahador na Ulanda. No
ta conosi ainda kende lo ta su
sucesor na Ulanda, segun sen-
jor Amador a participa na Schip-
hol.

ULTIMO PARTI DI E VUELO DI JOAN MERIAM

OAKLAND, 14 mei. - E ama di
cas Joan Merriam cu ta manera
anuncia despues di un vuelo rond
di mundu cu su avion di dos
motor a baha na Oakland. El a
recori 44.500 km.

E ultimo 160 km el a bula cu un
solo motor. El a declara cu e
te prome muher cu a haci soli-
tario un berdadero viahe rond
di mundu, pasobra su ruta lan-
da di evenar tabata 6400 km
mas largu kesun di senjora Jer-
rie Mock di Ohio.

SECURA GRANDI NA SURNAM

PARAMARIBO, 14 mei. - Cu ex-
cepcion di algun llovida chiqui
te ainda awaceru no a cai e anja
aki na Surnam mientras cu awor
ta tempu diawaceru. Causa di
esaki ta cu no tin awa di bebe
den varios distrito. Esaki ta
wordu hiba cu trucknan grandi
di Paramaribo pe districtonan
aki. Ne mercado di Surnam tin
poco berdura y fruta ta masha
schaars. Door dje segura grandi
tabatin candela na varios caminda
den e pais, di cual e huma ta
tapa henter e pais den oranan
di mainta. Varios avion e ulti-
mo dianan aki no por a baha na
e aeropuerto. Gobierno di Sur-
nam a lanta un grupo di trabao
pa segura ya cu e situacion ta
dia pa dia mas serio pa trata.

Ta parse cu solo ta mas fuerte
cu nunca y no tin ningun nubla
cu por mustra riba un llovida.

Tortura di un amor NOVELA

No. 1.

Andrea ta canando den e corre-
dor largo di e castillo. E ta
sintie den e ambiente nobo y
bunita aki, un poco strango y
un poco perdi. E antepasadonan
di Conde Elmer, for di nan lijs-
hi di oro colga, ta mira e mu-
cha muhé joven cu orgullo. Na
e porta di e comedor, el a ke-
da para un rato.
Nan a pidie pa bini akinan, pa
y a e por drenta? Di repente
el a sinti un sentimento di mie-
do cu a podera di dje. Cu mie-
do el a bati na e porta grandi
di palo di elk. E mester abati
dos blaha, prome cu el a tende
e stem di e Conde bleuw: "A-
ha, drenta numal" Cu mannan
tembloroso el a cuminsa habri
porta, pero di repente e porta
a worde habri duro. "Drenta
numa, mi yiu", e amo di cas a
cumindé carinoso. "Pakiko bo
ta asina miedosa?". Andrea ta

sintie poco confundi. El a drey
mira den e comedor, cu ta mue-
blá cu un gusto esplendido. Y
despues el a mira e figura fe-
menina, cu ta para dilanti e
bentana. E parece un sacerdote
muhe di tempo bjeew, Andrea
ta pensa, kende a keda comple-
tamente emocioná, mirando ture
buniteza clasico aki. E señora
aki tin algo majestuoso. Andrea
a keda mira su cara, su wo-
wonan scur y fascinante. "Mi
bon Hilda", el a tende e Conde
ta bisa, esaki ta Srta. Weert,
mi secretaria nobo. Na un mane-
ra caninioso el a dirigi su mes
despues na Andrea: "Conde-
sa Hulia ta esposa di mi yiu
homer Randolph, kende ..., ma-
nera bo mes sa caba, poco dia pa-
sa a haya un accidente mortal".
En vano Andrea a spera riba e
momento cu e Condesa ta bay
duné un man. Condesa Hilda a ke-

da mira trankil di dje, su di-
lantí. "Desde ki dia, e sir-
vientanan ta come junto cu nos
na mesa?", el a puntra irri-
tante. Andrea mester a dal te-
ne na e lomba di e stoel. El
a cuminsa sinti manera si henter
e kamber a cuminsa bala su di-
lantí. Dialeeuw e ta tende pa-
labranan di e Conde: "Srta.
Weert ta mi huesped, y lo wor-
de trata como tal Johan, bo por
cuminsa sirbi numal" Cu un ges-
to invitativo e Conde a muestra
Andrea pa tunia asiento. "No
tumami na malo, papa, pero mi
no tin gana di come mas." Des-
pues di e remarca sarcastico ey
Hulia a sali di e comedor. Cu
un sla dof e porta a dal serra.
Durante algun seconde tabata rei-
na un kietud doloroso. "Sr.
Conde", Andrea a cuminsa bisa,
cu un stem lloroso. "Boso no
mester pleita pa mi falta. Cugus-
to lo mi keda como na mi cuar-
to." E Conde bleeuw a sacudi
su cabez. "Aki no ta trata mu-
cho di bo, mi yiu, pero di otro
cosnan. Awor bo no ta compren-
de, kizas mas despues. Akinan
mester worde haci, loke ami kier.
Bo mester morde riba bo djen-
tenan, si acaso mester socede
un discusion semehante atrobe.
Poco poco Hulia su rabia lo bay
baha. Un dia e mester sinja,
cu tur cos noper sosede, ma-

nera ta su deseo".

Ya ta tres siman caba cu An-
drea ta na castillo di Elmer.
Cu gran entusiasmo e ta aten-
de su trabou. Asina ta e mi-
hor manera pa lubida... Conde-
sa Hilda ta dicidi, pa come den
e parti den e castillo, camin-
da e ta biba. Su motibo tabata,
cu e no ta sinti mucho bon.
Pero Andrea tabata sa masha
bon, ta pakikol Hopi blaha el a
weyta Condesa den compania di
algun homer, sali den auto. Bo
por a scucha su harimento or-
gulloso te leeuw. Si, e muhe
bunita, pero aparentemente sin
gevoel, tabata un viuda extra or-
dinariamente alegre! Spantá An-
drea a sigui cu su trabou, ora
cu el a tende voetstap pafó.
Despues nan a habri e porta
y Conde Elmer a cana drenta,
sigui door di un caballero
joven y elegantemente bisti. -
"Esaki ta mi yiu homer Ni-
co, riba kende mi a spera a-
sina hopi", e Conde a bisa cu
un vos contento. "Dios gracia
cu porfin el a jega!" Andrea
a kere cu e ta sonja. Awe el
a jega?...pero esey ta impos-
sibel? E caballero ey cu wowo-
nan preto y orgulloso, el a je-
ga di mira dos siman pasa na
e hut. Si natural. Te hasta el
a ordená na un manera rabia,
pa bay di eynan. "Y akinan, mi

bon Nico", Conde Elmar a si-
gui papia, esaki ta Srta. Weert,
Mi secretaria nobo. "Masha
interesante", e jiu a contesta
corto. Un otro, Andrea ta pensa,
cu ta kere cu e ta muchu hal-
to pa duna un otro di posicion
mas abou cu né, un man. El a
lanta excusa su mes, y a cana
bay den e otro kamber. Su cu-
razon tabata bati doloroso. Ta
un berguenza pa gana su pan
di cada dia cu trabao honrado?
Pakiko tur hende ta miré asi-
na? "Bay sinta mucha", An-
drea a tende e Conde ta bisa su
yiu. Como cu e muraya ta fini
traha, bo por tende cada pala-
bra cu ta worde papia den e -
biblioteca. "Mi ta sintimi asi-
na fells, cu porfin bo a bini
bek, Nico. Pa mi tabata un tem-
po duro." Despues di e pala-
branan aki, tur dos a keda ke-
to un rato. Despues un voz a
bisa. "Bo ta haci mi regreso
mas cos, papa. Mi ta kere cu
ta mihor si mi bisabo. Mi no
por keda." "Nico!" Cu hopi
boroto un stoel a worde hala.
Planan nervioso tabata zona den
e biblioteca. "No por ta na
serio, mi yiu! Abo ta e hom-
ber venidero di castillo di El-
mer. E parti di herencia ta spe-
rando riba bo. Bo tin hopi tra-
bou y deber akinan." (E ta sigui)

PEPITA

With compliments of
DOCUMENTATION & TRANSPORTATION
FOR INCOMING, LOCAL & OUTGOING CARGOES BY AIR, SEA AND LAND

OFICINA MARITIMA DE ARUBA



DICK TRACY

presenta pa cortesla di

na unda bo ta hanja piezanan di auto, garantisá pa nan calidad.

JOHN MANSUR AUTOPARTS

L.G. Smith Blvd. (P'ariba di La Esperanza) tel. 3094.



Nasser di Egypto y esaki su colega di Jemen Sallal.

Protesta contra bishita di Schacht

BUENOS AIRES, 14 mei. E miembro social democratico di parlamento Dr. Ramon Muniz, pidi den camara di delegadonan, di atrobe e venidero bishita dje banquero Aleman Hjalmar Schacht. Den un mision firma tambe pa otro delegadonan el a muestra cu Schacht a coopera intimo cu Hitler y tabata un persona cu financieramente ahabri caminda di un regimen, cu a pa vengianza di henter humanidad a comete crueldadnan hasta a mata sistematicamente millones di persona. Schacht a declara anteyan na Muenchen cu den circulacion industrial, riba recomendacion dje president di Argentina, Arturo Illia a negosha su bishita cu lo dura algun siman. E proposicion di Dr. Muniz no a wordu trata pa falta di tempu. Segun anuncia, segun informa no tin masha chens cu nan lo trata e mision aki prome cu llegada di Schacht dia 14 di mei proximo.

Aden y Federacion di Sur Arabia

ADEN, 14 mei. - Duncan Sandys e minister Britanico di Colonial, cu ta na Aden a ricibi un delegacion dje partido socialista popular, segun fuente bon informada. E delegacion a entrega e minister Britanico e programa di e partido y a exigui un dependencia pa Aden y federacion, di sur Arabia. E partido socialista ta contra presencia Britanico y tin sympathia pe gobierno republicano na Jemen.

President di Venezuela, Leoní, a propone congreso un plan publico di inversion di 3,8 millard bolivar cu ta expande su mes riba un periodo di tres anja y ta dirigi pa progresa actividad economico na Venezuela y creacion di 20,000 empleo. E plan segun e president a wordu investiga pa banco mundial y nan a saca afo local por conduci pa creacion di presion inflatorio. Mas o menos 814 millon bolivar lo ta di flanzanan di exterior 4 millon di flanzanan interino y 2,6 millard bolivar di reservanan.

ACUERDO ENTRE KENIA Y UNION SOVIETICA

MOSCU, 14 mei. - E minister di interior di Kenia, Oginga Odinga, a firma un acuerdo pa cooperacion cultural y cientifico cu Union Sovietica. E acuerdo a worde firma na Moscu. Den un comunidad a worde participa cu ambos pais lo coopera riba terreno tecnico y economico, asina e agencia Ruso di prensa "TASS" a anuncia.

Sirena na Copenhagen

Ne lugar caminda di custumber e sirena di Copenhagen ta para desconosidonan a pone un otro estatua, fabrica di platshi di herru. E figura Vikingo di altura di un hombre a worde kita inmediatamente pa polis. Manera anuncia, actualmente nan ta trahando un cabes nobo pe sirena.

Instruccion secreto pa Chinesnan Nacionalista

Un coresponsal di New York Times a anuncia foi Taipei, cu e instructornan Mericano na Formosa den secreto ta instrui unidatnan di China Nacionalista cu ta wordu hiba den secreto pa Republica Popular pa comete sabotaje. Segun e coresponsal tin rason pa supone, cu e Mericanonan tambe ta instrui unidatnan pa operacionnan militar na Vietnam del Sur.

COMENTARIO RIBA MEDIDA HULANDES

NEW YORK, 14 mei. - En conexcion cu e negacion di e ministerio Ulandes di husticia pa admiti algun participante estranhero na un demostracion cu lo a worde organisa pa e organizacion "Women Strike for Peace" senjora Dagmar Wilson, un di e fundadornan di e departamento mericano di e organizacion di damas aki, a declara, cu autoridadnan Ulandes door di e medida a hinca nan mes den un neshi internacional di abelas.

Senjora Wilson, kende tabatin intencion pa huntu cu 44 otro dama bai Ulanda pa participa na e demostracion, awor lo busca consejo juridico y diplomatico.

Senjora William Myers, administradora di e organizacion a declara, cu tabata tambe e intencion, pa huntu cu e otro damanan, for di tambe di NAVO, tene un conferencia di tres dia, pa atende otro medionan cu un potencia nuclear pa mantene paz. Como mamanan y muhernan nos

ta di opinion cu nos mester protesta plamamentu di arman nuclear y nos ta preocupado, cu e potencia multilateral nuclear por cierto lo plama arman nuclear, asina Myers a bisa.

Indonesia contra Merca

DR. Soemarno gobernador di Djakarta a propone di boycotta canticanan Mericano. Ya nan a cuminsa na Djakarta cu boycott di pelliculan mericano, como protesta contra presencia dje di shete flota den Indische Ocean.

Fulbright a regresa Merca

SCHIPHOL, 14 mei. - Senador Fulbright, presidente dje comision pa relacionnan di exterior di senado, a regresa Merca. Mi tabatin deliberacionnan importante, segun el a bisa pro-

me cu el a sali. El a delibera cu ministernan di exterior cu ta asisti na Ulanda ne conferencia di NAVO, pero actualmente mi no por duna prensa mas informacion.

CROESJEF NA EGYPTO

CAIRO, 14 mei. - Huntu cu e mariscal Egypcio Abdel Hakim Amer Chroestsjeff a bishita e piramidanan di Gizeh. Riba e ruta pa e piramidanan tabatin un multitud grandi personanan, cu a aplaudi e premier Ruso cu en tuslasme ora cu e tabata pasa nan dilanti. Un archeologo Egypcio a splica Chroestsjeff con e piramidanan a worde construi. Despues president Nasser a uni cu e grupo.

Durante e crisis rond Suez mi a bisa Sir Anthony Eden (Lord Avon) quende e tempo ey tabata premier cu Inglaterra; Si bo kier bringa mi ta declara cu gobierno Ruso, lo no queda sinta brasa crusa riba otro. Asina Chroestsjeff a revela a-

we durante un bishita na un fabrica quimica den cercania di Cairo. Lord Avon a bisa Chroestsjeff, cu e lo bringa cu tur medionan cu ta na su disposicion si interesnan petrolera di Inglaterra den medio-noriente worde armanda.

Chroestsjeff a bisa, cu el a revela e entravista ey Eden, Pasobra Eden ta na bida andaypor controla, den archivonan si e papia berdad. Tambe Chroestsjeff a bisa e premier Ingles di e tempo ey, cu e ta com-pronde cu Inglaterra mester di petroleo, asina el a agrega, anto bo mester cumpre serca e paisnan, cu taposee. Chroestsjeff tambe a bisa den su discurso na e obreronan di e fabrica, cu e Rusonan quier ta amigo di e Inglesnan, pero riba base comercial. Nos quier amistad pero nunca nos lo apoya e politica imperialista di Inglaterra den e colonianan, cu Inglaterra tin ainda den diferente partinan di mundo, asina e premier Ruso a bisa.

- Prome minister Chroestsjeff llega Assoean pa e festividadnan na terminacion dje prome fase di e dam akinan. E tabata compania pa president

RIP KIRBY

Agente exclusivo di

FRIESCHE VLAG

pa cortesia di:


lechi evaporado y lechi en polvo

JAN BODEGOM & CO (ARUBA) N.V.**MAXWELL HOUSE KOFFIE.****CISCO KID**

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



**BUCHI ROBEZ**

Pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.

**Horoscopo personal**

ARIES-21 di maart - 20 di april
No papia ora esaki no ta tocabo. Reserva bo ideanan y enfrenta cualquier crisis cu un sonrisa.

TAURO-21 di april - 21 di mei
Por tin subcorrientenan insegura bao di e superficie, aparentemente candela, asina ta cu tene masha cuidao den tur bo actividanan.

GEMINIS-22 di mei - 21 di juni
Esaki ta un dia extraordinariamente fuerte, habiendo probabilidadnan di oportunidadnan nobo cu e personanan menos sospecha cu por bira bo benefactornan.

CANCER-22 di juni - 23 di juli
Esaki por bira un di e dianan mas activo di luna pa bo. Comportabo estrictamente di acuerdo cu e reglanan cu ta existi den bo ramo.

LEO-24 di juli - 23 di augustus
Cuestionnan di sociedad quizas lo mehora e dia aki. Sea amable cu tur e personanan cu bo trata cune e dia aki.

VIRGO-24 di augustus - 23 di september
Ganancianan tanto comercial como profesional por worde hasi e dia aki si bo sa con usa e alicientenan nobo cu bo worde ofrece.

LIBRA-24 di spetember - 23 di october
Experiencia por tin un valor real e dia aki si bo trata cu e situacion actual.

ESCORPION-24 di october - 22 di november
Cuestionnan cu keda pega por bira un poco confusa. Sorru pa bo ta calmo ora bo tuma decisionnan.

SAGITARIO-23 di november - 22 di december
-E dia aki lo tin un poco di confusion cu por worde combati pa medio di e trato director di e problema.

CAPRICORNIO-23 di december - 20 di januari
No permiti cu e exceso di optimismo lo conducho na un cos nobo cu a worde trata un biaha caba. Sorru pa bo sa exactamente loke bo ta hasi.

ACUARIO-21 di januari - 19 di februari
Horanan di atardi ta algu inclerto, asina ta cu tene masha cuidao. Esaki no ta un dia pa bo corre riesgonan.

PISCIS-20 di februari - 20 di maart
Percura pa bo no fia placa y si bo resolve pa duna sorru pa bo tin un garantia prome.

PISCES 20 febr. - 20 maart.
Awe bo tin masha hopi influencia, percursu pa bo haci uso di dje. Biahamento, bishitanan y conferencianan por tin un resultado masha desfavorable awe.

EXITO DI GEOLOGONAN

FRANKFORT, 14 mei. - Un grupo di geologonan di Alemania Occidental den instituto na Frankfort a hanja cosnan masha interesante na Libia. Segun e lider, Dr. Helmut Ziegert a participa na un conferencia di prensa na Frankfort, nan a hanja den dos territorio na Oost Fezzan entre otro 600 dibujo den baranca, obhetonan di piedra di uso y un graf di 5000 anja. E dibujonan den barranca, cu ta representa hende y animalnan ta duna datonan importante acerca di historia deh territorio di Sahara. Den e graf nan a hanja un esqueleto y varios donativo di graf. Segun Dr. Ziegert, suela di e territorio di desierto ta e zaai cu millones di obhetonan di piedra. E expedicion tabatin mag di hiba e obhetonan aki pa Republica federal.